

# Kommunit akiliisitsiniartarnermik ingerlatsinerata tiguneqarnera pillugu Namminersornerullutik Oqartussat nalunaarutaat

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaanni nr. 3-mi, 2. maj 1996-imeersumi § 11 naapertorlugu kingullermillu Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaanni nr. 13-imi, 15. november 2007-imeersumi allanngortinneqartoq naapertorlugu aalajangersarneqarpoq:

## *Suliassat takussutissartaat*

§ 1. 1. april 2008-mi suliassat akiliisitsiniartarnermut tunngasut, 31. marts 2008-mi sulii naammassineqanngitsut kommunalbestyrelsit akileraaruseriffimmut tunniutissavaat. Taamatuttaaq akiliisitsiniarnermut pingaaruteqartunik uppersaasatit allat tunniunneqassapput.

*Imm.* 2. Suliat takussutissartaat akileraaruseriffimmut tunniunneqanngitsut isumannaatsumik pineqarlutillu toqqorsimaneqassapput. Suliani takussutissat tamakkua toqqorsimaneqarnissaannut kommunalbestyrelsit pilersaarusiussapput. Pilersaarusiap assilinera akileraaruseriffimmut nassiunneqartussaq, ukiumut minnerpaamik ataasiarluni aqqissuuteqqinneqartassaaq.

*Imm.* 3. Suliani takussutissiat, kommunalbestyrelsinit paarineqartut nassiunneqarnissaat tunniunneqarnissaallunniit akileraaruseriffimmit qinnutigineqartillugu, qinnuteqaat suliamut akileraaruseriffimmi suliarineqartumut aalajangersimasumut tunngasuugaangat, kommunalbestyrelsit qinnuteqaat akiliisitsinertaqanngitsumik naammassisassavaat.

## *Atuutilersitaanera*

§ 2. Nalunaarut atuutilissaaq 1. marts 2008.

*Namminersornerullutik Oqartussat, ulloq 27. februar 2008*

Aleqa Hammond

/

Peter Schultz

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut